

Yeshua: e Goso di Bida!!!

Awor Felipe a buska i haña Natanaèl i a bis'é: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José." (Juan 1:45).

Yeshua; Jesus di Nazarèt: e Lei di Dios Tata!!!.

"Selebrá e Fiesta di Tabernakelnan shete dia despues ku bo a rekohé Kosecha for di bo plenchi di bati mainshi i for di bo baki di pèrs wendruif; i Regosihá na bo fiesta, Abo, bo yu hòmber, bo yu muhé, bo sirbidónan hòmber i muhé i e Levita, e stranhero, e wérfano i e biuda, kendenan ta biba den bo statnan. Selebrá pa shete dia un Fiesta na SEÑOR bo Dios, na e lugá ku SEÑOR skohe, pasobra SEÑOR bo Dios lo Bendishoná abo den henter bo kosecha i den tur e trabou di bo mannan, asina ku lo bo ta bèrdaderamente yen di Goso. (Deuteronomio 16:13-15).

Yeshua; Jesus di Nazarèt: di Kende e Profetanan di Dios Tata tambe a skirbi!!!.

Pasobra na e persona ku ta bon den Su bista El a duna Sabiduria i Konosementu i Goso, mientras ku na e pekadó El a duna e tarea di rekohé i kolektá, asina ku E por duna na esun ku ta bon den bista di Dios. Esaki tambe ta banidat i korementu tras di bientu. (Eklestias 2:26). "Asina e SEÑOR di ehérsitonan ta bisa: E yunamentu di e di kuater luna, e yunamentu di e di sinku luna, e yunamentu di e di shete luna, i e yunamentu di e di dies luna lo bira Goso, Alegria i Fiestanan kontentu pa e kas di Juda; pesei, stima Bèrdat i Pas.' (Zakarias 8:19).

Ta kon Felipe por bisa: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José."

Felipe por bisa esaki pasobra:

Yeshua ta e Fiesta di Tabernakelnan.

Yeshua ta e Regosihá.

Yeshua ta e Esun Bendishoná.

Yeshua ta e kas di Juda.

Yeshua ta e Sabiduria.

Yeshua ta e Konosementu.

Yeshua ta e Pas.

Yeshua ta e Alegria.

Yeshua ta e Bèrdat.

Yeshua ta e Goso.

Ta pa e motibu aki Yeshua a bisa: "Si boso warda Mi Mandamentunan, boso lo keda den Mi Amor; meskos ku Mi a warda e Mandamentunan di Mi Tata, i ta keda den Su Amor. E kosnan aki Mi a papia ku boso, pa Mi Goso por ta den boso, i boso Goso por ta Kompleto." (Juan 15:10-11).

27 òktober 2019

Sea Bendishoná ku e Amor di Dios Tata; Yeshua Mesias

Un Fiel Sirbidó di Dios,

Remslly L Riley